

## OKUGOLOLA ENSOBI

Bwe weesigama ku mateeka g'empandiika entongole awamu ne ggulama gwe tusomye , tuyinza okumweyambisa okugolola ensobi zonna eziba zikoledwa mu mpandiika y'olulimi oluganda . bw'oba ng'onoogolola ensobi zonna ziggweemu bino by'ogoberera

### **Ebikulu ebigobererwa mu kugolola ensobi.**

- Sooka osome ekitundu / sentensi ekuweeredwa osobole okulaba ensobi
- Saza ku nsobi ezeeyolekedde mu kitundu oba sentensi
- Manya ebintu ebyenjawulo ensobi mwezitera okweyolekera.
- Golola ensobi /ddamu owandiike sentensi ng'oggyamu ensobi ezirabikiddemu ng'osinziira ku mateeka agafuga olulimi.

### **Ebintu ebyenjawulo ensobi mwe zeeyolekera**

Ensobi ezeeyolekera mu sentensi / ekiwandiiko zeesigama ku bino era by'osaana okwekeneenya

### **Empandiika Entongole**

Kino ky'ekitundu ekikulu ensobi ezisinga mwe zeeyolekera era y'ensonga etuleetedde okutunuulira akatundu kano oluvannyuma lw'okusoma empandiika. Mu mpandiika entongole bino byetussaako essira nga tugolola ensobi

- (i) Enkozesa y'ennukuta  
Ennukuta zonna eziri mu Walifu zirina amateeka gaazo ag'empandiika singa gamenyebwa awo ensobi wejjira. Ennukuta ze tugenda okusinga okwekeneenya ze zino

### **Empeerezi**

Wano weetegereza amateeka gonna agafuga empandiika y'empeerezi kubanga ensobi mwe zeeyolekera okugeza

- (i) Naiga aweeredwa omugaati.  
Ekituufu: Nayiga aweeredwa mugaati.  
Ensonga: empeerezi ebbiri ezitafaanagana teziwandiika wamu mu kigambo.
- (ii) Eente etomedde omwana  
Ekituufu: Ente etomedde omwana.  
Ensonga: Empeerezi ebbiri tezitandika kigambo.

### **Okuwangaala**

Weetegereze oba ekigambo kirimu eddoboosi eriwangaala naye nga teriteereddwamu okugeza

- (i) Omuyizi awata emmere  
Ekituufu: omuyizi awaata emmere.
- (ii) Tetutera kulota misana  
Ekituufu: tetutera kuloota misana.

### **Nampawengwa**

- (i) Omukyaala atutte omwana mu ddwaliro.
- (ii) Omutwaalo gwange gugudde

(iii) Nasanze omuwala ku luzzi.

- Mu sentensi esooka ensobi eri mu kigambo omukyaala ekituufu kiri omukyala.

Ensonga : ensirifu bwegattibwako nampawengwa ku ddyo tetuwangaala.

- Mu sentensi eyookubiri ensobi eri mu kigambo omuwala ekituufu kiri omuwala

Ensonga: Nampawengwa teziwandiikibwa bbiri wmu mu kigambo (tezigumira)

### **Nakinnyindwa**

(i) Ageenze mu kiraalo

(ii) Baleese enjoma

(iii) Otusanze enjjala etuluma

- Mu sentensi esooka ensobi eri mu kigambo ageenze ekituufu kiri agenze.

Ensonga: Nakinnyindwa bwegattibwako ensirifu ku kkono tetuwangaala

- Mu sentensi eyookubiri ensobi eri mu enjoma ekituufu enjoma

Ensonga: Nakinnyindwa ezitafaanagana tezeriraana mu kigambo

- Mu sentensi eyookusatu ensobi eri mu kigambo enjjala ekituufu kiri enjala

Ensonga: Nakinnyindwa bwegattibwako ensirifu, ensirifu eyo tesobola kuggumira

### **L ne R**

Enkozesay'ennukuta zino nayo eyawukana wadde tuzitabula okugeza

(i) Omuraru agudde mu kkubo

(ii) Tuleetele ekibbo

(iii) Enjalla zinnuma nnyo

- Ensobi mu sentensi esooka eri mu kigambo omuraru ekituufu kiri omulalu.

Ensonga: ennukuta r tewandiikibwa luvannyuma lwa mpeerezi 'u' ne 'a'

- Mu sentensi eyookubiri ensobi eri mu kigambo tuleetele ekituufu tuleetere

Etteeka: Ennukuta eya L tewandiikibwa luvannyuma lwa mpeerezi 'e' ebeera r.

- Mu sentensi eyookusatu ensobi eri mu kigambo enjalla ekituufu kiri enjala.

Etteeka: ennukuta eya l teggumira

### **Gy, ggy, ne jj**

Ennukuta zino ziwulikika ng'ezifaanagana era olwekyo zikolebwamu ensobi nga ziwanyisiganyizibwa okugeza

(i) Abaana tebagyeeyo bitabo

(ii) Mugye mu kibiina tusome.

(iii) Olugoye teremugyaamu.

- Mu sentensi esooka ensobi eri mu kigambo tebagyeeyo ekituufu kiri tebagyeeyo

- Ensonga / etteeka: Ekigambo kirimu amakulu ago kuggya (to remove)
- Mu sentensi eyookubiri ensobi eri mu mugye ekituufu mujje  
Etteeka: Ekigambo ekirimu amakulu ag'okujja (to come) noolwekyo tweyambisa 'jj'
  - Mu sentensi eyookusatu ensobi eri mu kigambo teremuggyaamu ekituufu kiri teremugyamu  
Ensonga: Ekigambo ekirimu amakulu ago kugy (to fit) noolwekyo tweyambisa 'gy' ate n'eddoboozi eriwangaala teriragibwa

### **Okuggumira**

- Ensobi ziyinza okweyolekera mu ddooboozi eriggumira nga teriteereddwamu mu sentensi so nga lyandibaddemu okugeza  
Amutumye omudo gw'ente
- Mu sentensi eno ensobi yeeyolekedde mu kigambo omudo ekituufu kiri omuddo  
Ensonga: ekigambo kirimu eddoboozi eriggumira naye teriragiddwa
- Mu ngeri endala eddoboozi lino lisobola okulagibwa weritagenda okugeza  
Banaajja ku makya.
- Mu sentensi eno ensobi eri mu kigambo banaajja ekituufu kiri banajja  
Ensonga: tetuwangaala ku kkono wa ddooboozi eriggumira.

### **Ennukuta ennene.**

Oluusi ensobi erabikira mu nkozesa y'ennukuta ennene. Ng'eteereddwa wetalina kugenda oba nga ewandiikiddwa nga ntono so nga yandibadde nnene okugeza

- Tusanze Abayizi batudde mu kibiina ng'omusomesa asomesa.  
Ekituufu: Tusanze abayizi batudde mu kibiina ng'omusomesa asomesa.  
Ensonga : Ennukuta ennene tebeera wakati wa sentensi nga si linnya lya nkalakkalira
- Bweyagenze e kyengera teyakomyewo mu budde bwe twamugambye  
Ekituufu: bweyagenze e Kyengera teyakomyewo mu budde bwe twamugambye.  
Ensonga: Erinnya eryenkalakkalira teritandika na nnukuta ntono.

#### (ii) Okwawula ebigambo

- Ensobu ezimu zirabikira mu bigambo nga bigattiddwa wadde nga bisaana kwawulibwa nga wano
- Mugambe alonde mwezo andetere  
Ekituufu : Mugambe alonde mu ezo.  
Ensonga : Nakalazi tegattibwa ku bigambo birala.
- Agendawa?  
Ekituufu : Agenda wa?  
Ensonga: obugambo obubuuza tebugattibwa ku bigambo birala.
- Ggw'ani?  
Ekituufu : Ggwe ani ?

Ensonga : nakasigirwa ezoobuntu ezeemala tezigattibwa ku bigambo birala.

(iii) Okugatta ebigambo

Ensobi ezimu zibeera mu bigambo nga bisaana okugattibwa wadde nga biba biwulikika ng'ebisukka mu bibiri okugeza

- Otuuse buyise n'olwekyo ogenda kubonerezebwa.

Ekituufu : Otuuse buyise noolwekyo ogenda kubonerezebwa

Ensonga :

- Guva mu Ngabo aleese omwana we ku ssomero

Ekituufu; Guvamungabo aleese omwana ku ssomero.

Ensonga: erinnya terikutulwamu

- Twayogedde n'ow'essaza n'agamba ajja kujja akulabe.

Ekituufu: Twayogedde n'owessaza n'agamba ajja kujja akulabe

Ensonga: Erinnya eryenkalakkalira terigendamu kabonero kasukkize.

(iv) Enkozesa y'obubonero

Ensobi zisobola okweyolekera mu nkozesa y'obubonero noolwekyo agolola ateeddwa okuba ng'amanyi bulungi engeri obubonero obwenjawulo gye bukozesebwamu.okugeza

- Alese ngabaana bakaaba.

Ekituufu: Alese ng'abaana bakaaba

Ensonga: Mu sentensi mutekeddwa okubaamu akabonero akasukkize okusobola okugatta entababigambo ku linnya kuba litandisa nnukuta mpeerezi

- Musoma kitabo ki ekyo.

Ekituufu: Musoma kitabo ki?

Ensonga: Sentensi erimu okubuuza esembyayo kabonero kabuuza.

- Batugambye nti tetuddamu okweyisa webali.

Ekituufu: Batugambye nti, "Tetuddamu okweyisa webali."

Ensonga: Sentensi ewaaba erina okubaamu obubonero obuwaabi awamu n'akawummuza.

- Obumyu buty'omuddo omungi kuba gubulwaza.

Ekituufu: obumyu butya omuddo omungi kuba gubulwaza

Ensonga: Akabonero akasukkize tekabeera wakati wakigambo ng'ekisooka kisussa mu nnukuta essattu

(v) **Olulimi olwabulijjo**

Ensobi ez'ekika kino ezikolebwa zitera kubeera mu nkozesa y'olulimi olw'enjawulo okugeza olugenda n'ebisolo, ebinnyonyi, ebirime n'ebirala ekyokulabirako

Embwa ya Musoke yazadde eggulo

Ekituufu : embwa ya Musoke yabwagudde ggulo.

Ensonga tezaala ebwagula.

Omusota gwamulumye ne gumulekamu obutwa

Ekituufu: Omusota gwamubozze ne gumulekamu obusagwa.

Ensonga : omusota teguluma gubojja ate era guba nabusagwa.

Omuyizi alina empisa embi.

Ekituufu : Omuyizi alina amayisa amabi.

Ensonga : Teri mpisa mbi mu luganda empisa zonna ziba nnungi

### **WET:**

Ebibuuzo ebikwatagana n'okugolola ensobi biteera kubaamu emirundi esatu

- Ekibuuza okugolola ensobi yokka nga tekyetaaga kintu kirala kyonna
- Ekibuuza etteeka erimenyedwa mu mpandiika ya sentensi nga kiyinza obutakwetaagisa kugolola nsobi mu kusooka
- Ekigatta byombi omuli okugolola ensobi awamu n'okuwa eteeka erimenyedwa.

Omuyizi asaanye okwegendereza ennyo ekibuuzo ekimuweeredwa asobole okukiddamu obulungi.

### **OKWEGEZAAMU**

(i) Golola ensobi ezikolebbwa mu sentensi zino

- Twasanze enkoko ekyatudde ku magi gasobole okuvaamu obwana
- Seggwaanga ya mwami Kitooke etomeddwa emmotoka
- Mugambe anzigyeko olwogolo
- Ente ye eri lubuto era eneetera okuzaala.
- Bagenze ggulo mu kibuga.
- Kulubaawo bakubyeko ekifaananyi ekinene.
- Nzemmuyise.
- Muzadde wa lumala tannamuzza ku ssomero.
- Lumonde gwe tulidde alimu ekiwunya.
- Omusajja tumusanze ali mu kutereeza wasembedde okulima asobole okutandikira awo enkeera.

(ii) Nyonnyola ku mateeka g'empandiika agamenyedwa mu sentensi zino wammanga

- Omulambo gwa Kabaka Muteesa bagutuusa kiro
- Omulaalo agenze kutwala nte zinnywe amazzi.(okwosera)
- Ebyaayi by'atuwadde tebimaze
- Lekeraawo okuluundira mu nnimiro yange
- Abayizi balidde rumonde atawooma.
- Abawwala bonna bagenze
- Eessoowani enddala ebuze.
- Buli lwe tugenda e kaliro tukeera nnyo

(iii) Golola ensobi ezikoleddwa mu bigambo owe n'amateeka agamenyedwa mu mpandiika.

- Emiindi .
- okwejjako
- ebyaamasanyalaze

- okulleka
- okweyyagula
- (iv) Nnyonnyola ku nsobi ezikoledwa mu bigambo bino
- Okufuluta
- Emilimu
- Ngakaaba
- Enjjala
- enjonge

### **EMBU Z'EBIGAMBO (PARTS OF SPEECH)**

Ebigambo bye tweyambisa mu lulimi oluganda byonna birina amannya gaabyo aga ggulama bye gayitibwa . kale nno amannya gano getuyita embu z'ebigambo. Mu bufunze olubu tuyinza okuluyita ettuluba ebigambo eby'enjawulo mwe bigwa. Embu z'ebigambo ziri munaana era nga ze zino

- 1) amannya (nouns)
- 2) Nakasigirwa (pronouns)
- 3) Nakongezalinnya (adjectives)
- 4) Ebikolwa (verbs )
- 5) Nakongezakikolwa (adverbs)
- 6) Nakalazi/ ssenfo (preposition )
- 7) Nakayunzi / entababigambo (conjunctions)
- 8) Nakakunga/obwewuunya (interjuction)

#### **ERINNYA/ AMANNYA**

Erinnya ky'ekigambo ekituumibwa omuntu oba ekintu okukyawula ku kirala (omulala). Amannya gano gawulwamu ebika eby'enjawulo

#### **Ebika by'amannya**

Mu luganda tulina ebika by'amannya ebikulu bina wadde nga waliwo n'ebirala ebyogerwako naye ojja kwesanga ng'ebyo nabyo bigwa mu biri ebina ebimenyedwa era ebika by'amannya bye bino

- a. Agenkalakkalira (proper nouns)
- b. Agooolukale (common nouns/ improper)
- c. Agebibinja (collective nouns)
- d. Agebitakwatwako (Abstract nouns)

#### **Amannya g'enkalakkalira**

Gano ge mannya agatuumibwa abantu/ ekintu naye nga tegakyukakyuka. Mu gano tulinamu

- ◆ Agabantu okugeza Nalubega, Nalukwago , Ssebunya
- ◆ Agebyalo okugeza Bweyogerere, Ggomba , Kasangati
- ◆ Agebibuga okugeza Kampala, Jinja, Masaka, Mbale
- ◆ Agensi okugeza Yuganda, Kenya, Tanzania, Malawi
- ◆ Agebibira okugeza Mabira, buddongo

### **Amateeka mu kuwandiika amannya gano**

- ◆ Buli lwe gawandiikibwa gatandisa nnukuta nnene ne bwegaba wakati wa sentensi okugeza  
    Bwe twagenda e **Namboole** okulaba abayimbi twasanga ekisaawe kijudde  
    Omuwala bamugambye ayite Nalukwago yekka
- ◆ Amannya gano tegagattibwa ku kigambo kirala wabula gawandiikibwa gokka mu bbanga
- ◆ Amannya gano tegakutulwamu ne bwegaba nga gakolebwa ebigambo ebiwerako nga bwe guli ku mannya g'engero tusigala tuliwandiika nga liri wamu  
    Okugeza Basajjamivule  
    Bangisibano  
    Kijjanabalola  
    Balikuddembe

### **Amannya agoolukale (common nouns)**

Gano ge mannya agatumibwa ebintu /abantu abagwa mu ttuluba / oluse olumu oba abakola omulimu ogumu wabula nga tegaggyaayo linnya lya muntu/ kintu ery'enkalakkalira okugeza abawala, abasomesa, abasawo, abakyala, abayizi, abasajja, abayimbi ,abalenzi

Amannya gano buli lwe gawandiikibwa gabeera gatandisa nnukuta ntono okuggyako nga ge gatandise sentensi nga wano

- ◆ Abayimbi bonna bajja kuyimbira omutanda.
- ◆ Abawala abagenze ku luzzi tebanadda.
- ◆ Abayizi baawereddwa ebirabo olw'okusoma obulungi.
- ◆ Omusomesa waffe asomesa bulungi era tumwagala.

### **Agebibinja (collective nouns )**

Gano ge mannya agatumibwa ebintu ebingi ebifaanagana nga biteereddwa wamu okugeza

Ebintu	Erinnya ly'ekibinja
Jjambula	Kirimba
Ente	Eggana
Enku	Olusekese
Embuzi	Oluserengende
Omusenyu	Entuumu
Enswa	Omutwalo
Abantu	Ekibiina
Essubi	Ekinywa
Amalaalo	Olubungu
Amayinja	Emiino

## **Amannya agebitakwatwako**

Gano gatumibwa ebintu ebitasobola kukwatwako wabula nga tusobola okubiraba , okubiwunyiriza oba okubiwulira (feel)

Okugeza essanyu

Akawoowo ettima obugunjufu emputtu  
Omukwano empisa enjala otulo  
Enseko ekisa akalaakya  
Okwewulira akajanja ebbugumu

## **WET :**

Waliwo ebika ebirala ebirabika nga tebikoneddwako nga mwe muli agebitabalika (uncountable nouns) n'agebibalika (countable nouns) okugeza eggaali, essaati, ebibbo. Amannya agali mu bika bino gagwa mu goolukale noolwekyo ebika bino kitundu ku mannya goolukale

## **EBIRALA KU LINNYA**

Mu nzimba ya sentensi muyinza okweyolekeramu amannya agawerako era gano gabeera n'amannya agenjawulo okusinziira ku kifo weriri n'omulimu gwerikoze. Mu mannya ago mwe muli

- (i) Erinnya ekkozi  
lino ly'erinnya eribeera likola ekikolwa mu sentensi okugeza
  - Maama alima.  
Linnya kkozi
  - Kato atutte ekibbo  
Linnya kkozi
  - Omulalu atemye omwana n'afa  
Maama, Kato, n'omulalu gonna mannya makozi kubanga ge gakola ebikolwa ebiri mu sentensi
- (ii) Erinnya erikolebwako  
Lino ly'erinnya eribeera likolebwako ekikolwa mu sentensi okugeza
  - Kato atutte ekibbo.
  - Omulalu atemye omwana.  
Mu sentensi ezo waggulu ekibbo, n'omwana ge mannyaagakolebwako ekikolwa eky'okutwala n'okutema

Erinnya erikolebwako lisobola okwawulwamu emirundi ebiri

(a) Erikolebwako obutereevu.

Lino lye linnya lye babeera bakolako ekikolwa era teriganyulwa mu kikolwa kikolebwako wabula lifiirizibwa.okugeza Taata awadde maama ensawo ennungi.

Ensawo ly'erinnya erikolebwako obutereevu kubanga yegabibwa.

(b) Erikolebwako oluvannyuma



Lino ly'erinnya eribeera ligannyulwa mu kikulwa ekikolebwa okugeza

- Taata awadde maama ensawo ennungi.
- Abayizi basambira omupiira mu kisaawe.  
Mu sentensi ezo waggulu maama, n'omupiira mannya agakolebwako oluvannyuma

Mu bufunze,

- (i) Taata awadde maama ensawo ennungi
  - Taata linnya kkozi
  - Maama linnya likolebwako luvannyuma.
  - Ensawo linnya likolebwako butereevu
- (ii) Abayizi basambira omupiira mu kisaawe
  - Abayizi linnya kkozi.
  - Omupiira linnya likolebwako luvannyuma.
  - Kisaawe likolebwako butereevu.

**WET:**

- (i) Sentensi esobola okuzimbibwa n'erinnya erimu, oba abiri oba asatu noolwekyo sikyateeka nti gonna galina okubeeramu
  - Omwana akaaba nnyo
  - Omuwala alidde emmere
  - Tamale akumye omuliro mu kibira.
- (ii) Erinnya ekkozi era lisobola okubeera nga lye likolebwako kino kyeyolekera mu kawakatirwa akeekolako okugeza
  - Namazzi yeetemye
  - Abaana beekonye nga bava ku ssomero

Amannya ago gombi agasaziddwako gakoze ng'amakozi ate ku luyi olulala ng'agakolebwako.

ERINNYA

Ekkozi                      erikolebwako

Butereevu                      oluvannyuma

**EBITUNDU BY'ERINNYA**

Amannya galina ebintu byago ebyenjwulo

- Empeerezi esooka eno y'empeerezi eba etandika erinnya okugeza o- muti
- Ennyingo y'erinnya eno y'ennyingo eraga olubu erinnya mwe riggwa okugeza ba- wala

- Enduli/ekikolo kino ky'ekikolo ky'erinnya ekitakyuka okugeza -  
piira  
o- mu- piira  
a ba lenzi  
e- ki- baawo

### **OKWEGEZAAMU**

**Saza ku mannya agali mu katundu kano olage n'ebika mwe gagwa**  
Omuwala baamutwala e Namboole asobole okuyiga okuyimba era yafuna  
essanyu lingi kubanga abantu bangi ab'ettima baali tebamwagaliza bya  
kuyimba. Wabula ekibinja kye yasangayo kyamwongera amaanyi.

### **EMBU Z'AMANNYA**

Olubu ly'ettuluba amannya ag'enjawulo mwe gagenda mu luganda tulinamu  
embu z'amannya 23 era  
ze zino

#### **1MU**

Muno mugendamu amannya gonna ag'abantu agenkalakkalira okugeza  
Nabasumba, Namitala, Katumba, Mugisha, Musoke

- Mugendamu n'amannya g'ensolo gafuuliddwa abantu okugeza  
Wampologoma, Wante, Wambuza, Wakayima
- Mugendamu n'amannya amalala nga ssabuuni, pulofeesa
- Mugendamu amannya g'ebimera nga kkamulaali, muwogo, kasooli  
, jjambula
- Mugendamu amannya g'endwadde agatandisa n'ennyingo eya mu  
okugeza Mukeneenya, mulangira.

Amannya gano galagibwa ne nakasigirwa endazi eya ono/oli/oyo

#### **2BA**

Muno mugendamu amannya agali mu 1Mu nga gali mu bungi okugeza bawala,  
banamusisi, bavubuka bawampologoma

Amannya gano galagibwa Nakasigirwa endazi eya bali/abo/bano

#### **3MU**

Muno mugendamu amannya gano

- Agebimera okugeza muyembe, mucingwa, muwongo
- Agebisolo okugeza munnya, musota
- Ag'endwadde okugeza musujja , mutwe

Nakasigirwa endazi guno/guli/ogwo

#### **4MI**

Muno mugendamu amannya getulabye mu 3mu bwegabeera mu bungi okugeza  
emiwogo, eminnya, misujja, miyembe

Nakasigirwa endazi gino/giri/egyo

#### **5LI**

Muno mugendamu amannya agatandisa n'ennyingo 'li' okugeza linnyo, lyato, linnya, liggwa, liiso

- Mugendamu n'amannya agaba galaga obunene bw'ekintu okugeza kkazi, ssolo, lisota, lisajja, liwala
- Mugendamu n'amannya amalala nga bbala, jjuni, ttaka, ttama

Nakasigirwa endazi lino/liri/eryo

### **6MA**

Amannya agagenda mu lubu luno gatandika n'ennyingo eya 'ma' era nga galaga obungi bw'amannya agali mu 5Li okugeza amaaso amanyo amaato amaggwa

- Mugendamu n'amannya amalala ng'obumu bwago buli mu 15ku naye nga gatandisa n'ennyingo eya 'ma' okugeza magulu, matu

Nakasigirwa endazi gano/gali /ago

### **7KI**

Muno mugendamu amannya agatandika n'ennyingo 'ki' okugeza ekiti, ekikopo, ekyoto, kigiko kitabo

- Mugendamu n'amannya agagezaako okuvumaganya ekintu okugeza kisajja, kikazi
- Amannya agagendamu gasobola n'okulaga nti ekintu kinene mu ndabika

Nakasigirwa endazi kino/ ekyo/ kiri

### **8BI**

Olubu luno lugendamu amannya agali mu 7ki nga gali mu bungi okugeza ebisero, bigiko, bikopo biwala

Nakasigirwa endazi bino/biri/ebyo

### **9N**

Muno mugendamu amannya agatandikibwa Nakinyindwa naye ng'egatiddwako ensirifu endala okugeza embwa, enkumbi, engatto, njoma, njjano

- Mugendamu n'amannya agagandawaazibwa okugeza essaawa, essaati, eggaali, emmotoka.
- Mugendamu amannya agava mu bikolwa naye nga gasoosa ennukuta eya 'n' okugeza ensoma, endya, enfumba, enzina n'amalala

Nakasigirwa endazi eri eno/eyo/eri

### **10N**

Mugendamu amannya agali mu 9N nga gali mu bungi okugeza embuzi, enkoko, njjaali wabula ekikolo tekikyuka wabula nakasigirwa endazi y'ekyuka.

- Mugendamu amannya g'olubu 11lu nga gali mu bungi okugeza ensozi, enku, embaawo, engoye, ensekese

Nakasigirwa endazi: zino /ziri/ ezo

### **11LU**

Muno mugendamu amannya agatandisa n'ennyingo 'lu' okugeza luku, luzzi, lusuku, lugoye, lupapula

- Mugendamu n'amannya agalaga obuwanvu bw'ekintu okugeza oluwala, olusajja, olukazi.

Naksigirwa endazi : luno/luli/olwo

### **12KA**

Mugendamu amannya agatandika n'ennyingo eya ka' okugeza katale, kawunga, kambe, katungulu

- Mugendamu n'amannya agalaga obutono bw'ekintu okugeza kasajja, kawala, katabo, kasumuluzo, katebe

Nakasigirwa endazi kano/ako/kali

### **13TU**

Mugendamu amannya agatandisa n'ennyingo eya 'tu' okugeza otulo

- Mugendamu amannya agalaga obutono bw'ekintu nga gatandisa n'ennyingo 'tu' okugeza tukazi, tuwala, tusajja, tuzzi tunnyo

Nakasigirwa endazi ziri tuno/otwo/tuli

### **14BU**

Mugendamu amannya agali mu 12Ka ne 13tu nga gali mu bungi okugeza butale, butungulu, bwambe, busaati

Nakasigirwa endazi buno/buli/obwo

### **15KU**

Mugendamu amannya agatandika n'ennyingo 'ku' okugeza kutu, kugulu

Mugendamu n'amannya agatandisa n'ennyingo 'ku' nga gava mu bikolwa okugeza okulya okuwaata okulima

Nakasigirwa endazi ziri kuno/kuli/ okwo

### **16WA**

Mugendamu amannya agatandisa n'ennyingo 'wa' nga galaga bifo okugeza wansi, waggulu, wamberi

Nakasigirwa endazi ziri wano/wali/awo

### **17KU**

Mugendamu amannya agatandisa n'ennyingo 'ku' nga galaga bifo okugeza kungulu, ku mmeza,

Nakasigirwa endazi kuno/kuli/okwo

### **18MU**

Mugendamu amannya agatandisa n'ennyingo 'mu' nayo ngera eraga bifo okugeza mmunda, mu kiseru mu kikebe, mu mmotoka

Nakasigirwa endazi ziri muno/muli/omwo

19\_\_\_\_\_

### **20GU**

Mugendamu amannya agatandisa n'ennyingo 'gu' naye nga galaga obunene bw'ekintu era gaggya ennono zaago mu mbu endala okugeza guwala, gusajja, guyumba, gulenzi

Nakasigirwa endazi ziri guno/ogwo/guli

21\_\_\_\_\_

## 22GA

Mugendamu amannya agali mu 20GU nga gali mu bungi okugeza gasajja, galenzi, gawala

Nakasigirwa endazi ziri gano/gali/ago

## 23E

Mu lubu luno mugendamu amannya agatandisa ennyingo eya ‘e’ naye nga galaga bifo okugeza ewaffe, ebbali, egindi, emmanga

Nakasigirwa endazi ziri eno/eri/eyo

## EBYETAAGO BY’OLUBU

Bino by’ebintu ebyenjawulo byetwekeneenya ebitwoleka oba ebitukakasa embu amannya agenjawulo mwe gagenda. Amannya gano gateekwa okuba nga gakkiriziganya bulungi n’ebyetaago by’olubu olwo. Buli lubu lubeera na bino wamanga era nga bye tugoberera okufuna amannya agalugenda.

### (i) Empeerezi esooka

Eno y’empeerezi ebeera etandika erinnya era mu luganda ziri ssatu a, e, ne o. Kyamazima waliwo amannya agatalina mpeerezi esooka naddala agenkalakkalira nagala ebifo.

Empeerezi esooka ku linnya ebeera efaananira ddala n’eyo eri ku lubu okugeza

Singa empeerezi eri ku lubu tetandika kigambo nga bwe guli ku 3mu, 1mu, 5li

Ku u empeerezi esooka efuuka “o” ate

Ku i empeerezi esooka ebeera “e” okugeza

3mu omu yembe

7ki ekikopo

8bi ebikopo

11lu oluku

Noolwekyo empeerezi esooka eri ku linnya singa tekkiriziganya naya lubu kitegeeza erinnya terigenda mu lubu olwo.

### (ii) Ennyingo y’erinnya ku kikolwa

Eno y’ennyingo ebeera ku ntandikwa y’ekikolwa ng’ekwatagana n’erinnya .Ennyingo y’erinnya ku kikolwa eteekeddwa okuba ng’ekkiriziganya bulungi n’amannya agali mu lubu olwo okusobola okussa erinnya mu lubu okugeza.

Olubu	Ennyingo y’erinnya	ekyokulabirako
1mu	A	Omuwala ayomba

		Mukene <u>ag</u> udde wansi  Mukenenya <u>al</u> uma abantu
3mu	Gu	Omuti <u>g</u> ugudde Omusujja <u>g</u> umuluma
12ka	Ka	Akambe <u>k</u> asala bulungi Akatunda <u>k</u> ayise ku ttaka

(iii) Nakasigirwa endazi

Eno ye nakasigirwa eraga . Nakasigirwa endazi egendera ku linnya eryo eteekwa okuba ng'ekkiriziganya bulungi ne eyo eyolubu.

Nakasigirwa endazi erina ebikolo bisatu era byonna oyinza okubyeyambisa

-no, -li, -o okugeza

- 11lu           luno / olwo/ luli
- 16wa           wano / wali / awo
- 13tu           tuno/ tuli/ otwo
- 14bu           buno/ obwo/ buli

(iv) Omuwendo

Omuwendo guno gubeera gulaga obungi oba obutono bw'erinnya.

Omuwendo ogugendera ku linnya guteekeddwa okuba nga gukkiriziganya bulungi n'omuwendo ogw'olubu olwo. Omuwendo gubalibwa okuva ku emu okutuuka ku ttaano okugeza

- 1mu           omu
- 2ba           babiri/ basatu / bana / bataano
- 3mu           gumu ( muyembe / musota / muccungwa)
- 4mi           ebiri/ essatu/ ena / etaano
- 5li           limu (eryato/ erinnyo / eriiso )

(v) Nakasigirwa entabaluganda ekolebwako

Eno ye nakasigirwa ebeera ereetawo okukwatagana wakati w'erinnya erikolebwako n'ekikolwa. Entabaluganda ekolebwako egendera ku linnya eryo eteekeddwa okukkiriziganya n'eyo eri mu lubu erinnya okusobola okuggya mu lubu olwo okugeza

- 11lu    lwe    olugoye lwe baleese lubuze
- 12ka    ke     akambe ke baleese tekasala bulungi.
- 9N     gye   Embuzi gye batomedde efudde

- 10N ze enkoko ze bamuwadde ndwadde
- (vi) Nakasigirwa entabaluganda enkozi  
 Eno ye nakasigirwa ebeera ereetawo okukwatagana wakati w'erinnya ekkozi n'ekikolwa. Entabaluganda enkozi egendera ku linnya eryo eteekeddwa okukkiriziganya n'eyo eri mu lubu erinnya okusobola okuggya mu lubu olwo okugeza
- 1mu a omwana akaaba ekiro atama
  - 2ba aba- abawala abatuleekanidde bagobeddwa
  - 3mu ogu- omuyembe ogugudde gukubye omwana.
- (vii) Nakasiba  
 Eno eteekeddwa okukkiriziganya n'amannya agagenda mu lubu luno era ebeera efaananira ddala n'egendera ku linnya. Nakasiba ebeera emalawo okubusaabusa ku linnya eriri mu kikolwa okugeza
- 6ma ge amatu ge basazeeko  
 20gu gwe oguwala gwe guyomba  
 22ga ge agalenzi ge batumye ku luzzi
- (viii) Ennyingo y'olubu  
 Eno esangibwa ku nakongezalinnya ne ku linnya eteekeddwa okuba ng'ekkiriziganya bulungi n'erinnya lyonna erigenda mu lubu olwo okugeza
- Omuwala (1mu)
  - Bawala (2ba)
  - Mulungi (3mu, 1mu)
  - Kinene ( 7ki )

olu bu	Erinnya	Nakasi girwa endazi	Ennyingo y'erinnya	Empe erezi esooka	Entabalu ganda ekolebwako	Entabalu ganda enkozi	Omuwendo	Nakasiba
1mu	Omuwala	Ono/oli/oyo	A	O	Gwe	a	Omu	Gwe
2ba	Abasawo	Bano/bali	Ba	A	Be	aba	Babiri/basatu	Be
3mu	Omuti	Guno/guli	Gu	O	Gwe	ogu	Gumu	Gwe
4mi	Emikalo	Gino/egyo	Gi	E	Gye	egi	Ebiri/e satu	Gye

5li	Eryato	Lino/ eryo	Li	e	Lye	eri	Limu	Lye
6m a	Amag umba	Ago/ gali	Ga	a	Ge	aga	Abiri	Ge
7ki	kitook e	Kino/e kyo	Ki	e	Kye	eki	Kimu	Kye Kye
8bi	bimuli	Bino/e byo	Bi	e	Bye	ebi	Bibiri	Bye
9n	mpuut a	Eno/ey o	E	e	Gye	e	Emu	Gye
10 n	mbwa	Zino/ ezo	Zi	e	Ze	ezi	Bbiri	Ze
11l u	luku	Luno/l uli	Lu	o	Lwe	olu	Lumu	Lwe
12 ka	kambe	Kano/k ali/ ako	ka	a	Ke	aka	Kamu	Ke
13t u	tuzzi	Tuno/t uli	Tu	o	Twe	otu	Tumu	Twe
14 bu	butung ulu	Buno/o bwo	Bu	o	Bwe	obu	Bubiri	Bwe
15 ku	Okugu lu	Kuno/o kwo	Ku	o	Kwe	oku	Kumu	Kwe
16 wa	Waggu lu	Wano/ wali	Wa	---	We	awa	Wamu	We
17 ku	Kungu lu	Kuno/o kwo	Ku	.....	Kwe	oku	Kumu	Kwe
18 m	Munda	Muno/ muli	Mu	----	Mwe	omu	Mumu	Mwe
19-								
20 gu	Ogusaj ja	Guno/o gwo	Gu	o	Gwe	ogu	Gumu	Gwe
21-				.....				



22 ga	Agaky ala	Gano/a go	Ga	a	Ge	aga	Abiri	Ge
23 e	ewaffe	Wano/a wo	wa	e	We	e	----	We

## OKUGERAAGERANYA EMBU Z'AMANNYA

Bw'obeera nga weekeneenzeza embu z'amannya zirina bingi bye zaawukanya ate ne bye zifaanaganya era enjawulo eno awamu n'okufaanana obitegeerera ku bino wamanga

**(i) Amannya agendamu**

Embu ezimu zifaanaganya ate era ne zaawukanya amannya agazigendamu okugeza

1mu ne 3mu zombi zirina amannya g'ebimera kamulaali (1mu), omuyembe (3mu)

**Enjawulo**

1mu mugendamu amannya g'abantu ate 3mu temugendamu g'abantu

**(ii) Omuwendo**

Ezimu zifaanaganya omuwendo nga zonna ziri mu bumu okugeza

3mu gumu ( omuccungwa)

20gu gumu (oguwala)

So ate ezimu zaawukanya emiwendo

2ba babiri / basatu

5li limu

Agamu mangi amalala matono/ gali mu bumu

**(iii) Nakasigirwa endazi**

Eno esobola okukulaga okufaanagana oba okwawukana okugeza

9N ne 23e ezifaanagana oba okwawukana okugeza

9n eno/ eri/ eyo ( ente)

23e eno / eri/ eyo ( eyo)

Okwawukana okugeza

7ki ne 8bi zawukana

7ki kino / kiri/ ekyo

8bi bino/ biri / ebyo

**(iv) Empeerezi esooka**

Embu ezimu zifaanaganya empeerezi esooka okugeza 15ku, 3mu,

11lu, ate endala zizawukanya okugeza 14bu (o), 12ka(a), 5li (e)

**(v) Ennyingo y'erinnya ku kikolwa**

Eno etwoleka bulungi enjawulo mu mbu z'amannya kubanga esinga obungi tezifaanana. Wabula 3mu ne 20gu zo zizifaanaganya.

**(vi) Entabaluganda ekolebwako**

Embu z'amannya ezimu zifaanagana mu ntabaluganda ekolebwako okugeza 1mu ne 3mu zonna zirina "gwe" so ate era zaawukanya entabaluganda eno 13tu ne 14bu n'endala

**(vii) Nakasiba**

Mu bufunze

Embu z'amannya zonna oba ezisinga zirina we zikwataganira oba bye zifaanaganya wadde era kino tekizirobera kubaako ne bye zaawukanya

Ebyetaago by'olubu biyamba kinene okukulaga bye zifaanaganya awamu ne bye zaawula n'amannya gaazo gennyini gatwoleka enjawukana oba obukwatane / okukwatagana

**OKUBINJAWAZA EMBU Z'AMANNYA**

Embu zino zirina ebibinja ebyenjawulo mwe ziyinza okugenda era bye bino

(i) Eziraga obumu ( amannya agali mu bumu)

Zino zibeera zigendamu amannya agali mu bumu era mwe muli

- 1mu musawo
- 3mu muyembe
- 5li linnyo
- 7ki ekikajjo
- 9n ente
- 11lu olugoye
- 12ka akambe
- 13tu otunnyo
- 15ku okulima
- 20gu gusota

(ii) Ezirimu amannya agali mu bungi

- 2ba bakazi
- 4mi micchungwa
- 6ma maaso
- 8bi bisero
- 10n eḡḡaaḡa
- 14bu obutungulu
- 22ga gati

(iii) Eziraga ebifo

Zino zibeeramu amannya nga galaga bifo byokka okugeza

- 16wa wansi
- 17ku kungulu
- 18mu munda
- 23e ewaffe

(iv) Eziraga obunene bw'ekintu

Zino ziba n'amannya agalaga nti ekintu kinene (size) okugeza

- 20gu guwala
- 22ga gasajja

- 8bi ebireenzi
- 7ki ekisajja
- (v) Eziraga obutono bw'ekintu (size)
  - 11lu oluwala
  - 12ka akakima
- (vi) Ezivumaganya ekintu/ erinnya
  - 8bi ebiyizi
  - 20gu ogusajja
  - 22ga agawala
  - 7ki ekibwa
- (vii) Ezirimu amannya agava mu bikolwa
  - 15ku
  - 9n
- (viii) Ezigendamu amannya agatagenda mu mbu ndala
  - 15ku okusoma
  - 16wa wansi
  - 17ku
  - 18mu
  - 23e

### **NAKASIGIRWA (PRONOUNS)**

Nakasigirwa ky'ekigambo ekisigira oba ekiyimirirawo ku bw'erinnya ly'omuntu oba ekintu okugeza ffe, mmwe, ggwe, nze, mu, ba, ye, ku, bo

WET: Ekigambo Nakasigirwa kiva mu kusigira ekitegeeza nti wabeerawo omulala oba adidde munne mu bigere

### **EBIKA BYA NAKASIGIRWA**

Mu luganda tulinamu Nakasigirwa ez'enjawulo era nga ze zino

- (i) Ezoobuntu (personal pronoun)
- (ii) Ezoobwannanyini (possessive )
- (iii) Endazi (demonstrative)
- (iv) Embuuzi (interrogative)
- (v) Entabaluganda (relative pronoun)

#### **Ezoobuntu( personal pronoun)**

Zino ziyimirirawo ku bw'omuntu era nga zaawulwamu ebika bino

#### *a) Nakasigirwa ezoobuntu ezeemala*

Zino bweziba nga zikozeeddwa mu mbooji zibeera nga ziyimirirawo ku bwazo era zisobola okuwa amakulu ne bwe zitabeera mu mbooji/ sentensi okugeza bo, mmwe, ffe, ggwe

<b>OMUNTU</b>	<b>BUMU</b>	<b>BUNGI</b>
Asooka( first person)	Nze	Ffe
Owookubiri(2 <sup>nd</sup> person)		Ggwe Mmwe
Owookusatu (3 <sup>rd</sup> person )		Ye bo

### **Ebyokulabirako**

Ggwe watuyise ne tuva ku byetukola

Singa teyabadde ye kutuvuma te twandimukubye

Nze namugambye abireete wano

#### **b) Nakasigirwa ezoobuntu eziteemala**

Zino tezisobola kuyimirirawo zokka okuggyako nga zikozezeddwa mu mboozu/ sentensi okugeza a-, o-, ku-, mu-, -n-, -ku-

Nakasigirwa zino ezitemala zaawulwamu emirundi ebiri

- i. Enkozi : zino zibeera ziraga omuntu akola(subject) ekikolwa era ze zino

<b>OMUNTU</b>	<b>BUMU</b>	<b>BUNGI</b>
Asooka ( 1 <sup>st</sup> person)	n-	Tu-
Owookubiri (2 <sup>nd</sup> person)	o-	Mu-
Owookusatu (3 <sup>rd</sup> person)	a-	Ba-

### **Ebyokulabirako**

Ndya emmere ewooma

Oyagala ku tukola ki mwana wattu?

Nakalule ayimba bulungi nnyo

Tumulabye ng'ava ku luzzi

Abaana babatutte bali bubi

- ii. Ezikolebwako : zino ziraga omuntu abeera akolebwako ekikolwa( object ) era ze zino

<b>OMUNTU</b>	<b>BUMU</b>	<b>BUNGI</b>
Asooka ( 1 <sup>st</sup> person)	-n-	-tu-
Owookubiri ( 2 <sup>nd</sup> person)	-ku-	-ba-
Owookusatu ( 3 <sup>rd</sup> person)	-mu-	-ba-

### **Ebyokulabirako**

- Babakubye nga baluddeyo e bweru  
 Amutuze era n'afiirawo  
 Yatugulira ebirabo bingi bwe twayita ebibuuzo  
 Ggwe onkubye olweyo mu mutwe
- Nakasigirwa ezikolebwako zisobola okwawulwamu ebiti bibiri
- ❖ Ezikolebwako obutereevu (kaabulindiridde)  
 Wano omuntu abeera akolebwako obutereevu ekikolwa ekiri mu sentensi era tagannyulwa mu kikulwa kiri mu sentensi okugeza
    - Bakimutwalidde mu lusuku.
    - Mumutugambire ayite wano ng'akomawo
    - Ababakubidde anti babadde baleekana mu kibiina.
  - ❖ Ezikolebwako oluvannyuma ( Binsangawano)  
 Zino zibeera ziraga omuntu agannyulwa mu kikulwa ekikolebwa okugeza
    - Omumulabiddeko ng'ayita wano obwedda amunoonya?
    - Abituweereza twabadde tubyerabidde.
    - Basabe bamutuyitireko tuyinza obutamulaba

**Weetegereze:** Buli nakasigirwa zino lwe zibeera mu sentensi bulijjo kaabulindiridde yesooka binsangawano neba eyookubiri wabula oteekeddwa okuteekako enkozi olwo ne ziddako.

Mu bufunze

Ezoobuntu

Enkozi

Ezikolebwako

N	tu		
O	mu	obutereevu	oluvannyuma
A	ba	(kaabulindiridde)	(binsangawano)

### **Okwegezaamu**

Saza ku nakasigirwa eziri mu sentensi zino oziwe amannya

- Amututwaliddeko eka
- Tubakulabiranga
- Ebabakonedde ne bava mu kkubo
- Mumumuloopere by'akoze
- Bakibaweereze ekiro

### **Nakasigirwa ezobwannanyini (possessive pronouns)**

Zino zibeera ziraga omuntu alina obuyinza ku kintu okugeza –ange, affe, -o, -e, -abbwe, ammwe

OMUNTU	BUMU	BUNGI
Asooka	-ange	-affe

Owookubiri            -o            -ammwe

owookusatu            -e            - abwe

### **Ebyokulabirako**

- Genda ondeteere yange yokka
- Mugambe akuwe ku yiye owandiiseeko
- Mutwale omwazike ku gaabwe
- Twabadde tumuwadde ku byaffe naye teyabizizza

### **Nakasigirwa endazi( demonstrative pronouns)**

Zino zikozesebwa okulaga ekintu we kiri era zino za mirundi essatu era nga ze zino

- i. Eraga ekintu ekiri okumpi n'ayogera era eragibwa n'ennyingo –no okugeza
  - Bano bonna abali wano twabayise ggulo
  - Bano balina ekyejo okusinga ku ba Lutaaya
  - Ekitabo kiri wano
- ii. Eziraga ekiri okumpi ne gwe balaga so ng'ate kiri wala n'oyo alaga era eragibwa n'ennyingo eya –o okugeza
  - Eyo gy'oleese tewandiika bulungi
  - genda omugambe akuwe obwo bwe butyo
  - wabula ako kewamuwa katonya
- iii. Eziraga ekintu ekiri ewala wa bombi (alaga ne gwe balaga). Eno eragibwa n'ennyingo eya –li okugeza
  - kiri kye mutumye kijja kukola bulungi
  - Ndetera kali kenjagala

### **Nakasigirwa ezibuuza/ embuuzi (interrogative pronouns)**

Zino ziwandiikibwa singa sentensi ebaamu okubuuza. Zino ziba zibuuza ekifo, obudde, ensonga, oba omuwendo gw'ekintu era ze zino

Wa? Tya? Ddi?        Ani? Ki? , lwaki? Mmekaka?

Ebyokulabirako

- Lwaki oyambadde olugoye olwo?
- Okomawo ddi ewaka?
- Ani akukubye?
- Bammekaka abagala engoye?

Wetegereze:

Waliwo sentensi ezimu ezibuuza wadde nga temuli Nakasigirwa zibuuza okugeza

- onoolya amatooke?
- Oyo mwana y'akaaba ?
- Obadde olya kasooli ?

### **Nakasigirwa entabaluganda (relative pronoun)**

Eno Nakasigirwa eba ereetawo oluganda oba enkolagana wakati w'erinnya n'ekikolwa. Erinnya liyinza okuba nga lye likola ekikolwa oba ng'ekikolwa kikolebwa ku lyo lye nyinni okugeza kye, bye, ge, lwe, ze, be

Nakasigirwa entabaluganda zawulwamu emirundi esatu era gye gino

- a. Entabaluganda enkozi
- b. Entabaluganda ekolebwako
- c. Nnakasiba

### ***Entabaluganda enkozi***

Eno ebeera ereetawo oluganda oba enkolagana wakati w'erinnya erikola ekikolwa n'ekikolwa ekikolebwa. Nakasigirwa entabaluganda enkozi egattibwa ku kikolwa ne yongera amaanyi mu linnya

Ebyokulabirako

- i. Omwana akaaba ekiro gwe baleese.
- ii. Abasomesa abakubye abaana abo bagenze.
- iii. Oguwala ogutulekanira mugufulumye.
- iv. Agalenzi agabbye ge batutte

### **Entabaluganda ekolebwako**

Zino ziba zireetawo oluganda wakati w'erinnya erikolebwako ekikolwa n'ekikolwa ekyo kye nnyini ekikolebwa

Ebyokulabirako

- i. Abaana be walabye babbi
- ii. Omuti gwe watemye gugudde
- iii. Ebikajjo by'oleese babitutte
- iv. Omwana gw'okubye akaaba nnyo

### **Nakasiba**

Kino kiba kigambo ekyongera okuleetawo oluganda wakati w'erinnya n'ebigambo ebirala. Wabula yo ebeera eyongera maanyi mu kyogerwako era n'okumalawo okubuusaabuusa

Ekyokulabirako

- i. Amatu ge basazeeko
- ii. Omuti gwe gugudde
- iii. Enkoko z'ompadde ze babbye

**Wetegereze:** singa Nakasigirwa entabaluganda ekolebwako eri mu sentensi emu ne Nakasiba bulijjo entabaluganda ekolebwako y'esooka olwo ne kuddako Nakasiba okugeza

- Enkoko ze baaleese ze batutte  
Amagi ge bamuwadde ge gattise

## **6 Nakasigirwa ezigumiza/ enzigumizi**

Zino zibeera ziggumiza ekyo ekiba kyogerwako n'olwekyo ziba zongera amaanyi ku linnya eryogerwako mu sentensi/ erigikulembede Ebyokulabirako

- i. Ennyumba yo y'ettonya
- ii. Abaana bo be bakubye empi
- iii. Amagumba go ge ganfumise

Nakasigirwa ezoobuntu ezeemala zonna zisobola okukola ng'enziggumizi okugeza

Ggwe obbye ebinyeebwa byaffe

Nze muwadde obugatto obwo

Mmwe mubadde mutuleekanira

## 7 Nakasigirwa enkakasi

Zino ze zi Nakasigirwa eziba ziyongera okukakasa erinnya oba Nakasigirwa eba eyogerwako. Nakasigirwa enkakasi zonna zirina ekikolo kyazo ekya '**-nnyini**' okugeza

- Ffennyini
- Bennyini
- Gwennyini twala ogwo gwennyini
- Byennyini ebyo byennyini byatuleetedde.
- gennyini

## 8 Nakasigirwa ezessira

Kino kiba kigambo ekiba kiraga essira ku ekyo ekiba ky'ogerwako.

Nakasigirwa eyessira eragibwa n'ebikolo bibiri '**-kka**', '**-nna**'

Gokka

Lyokka

Zonna

Konna

Ebyokulabirako

- Akalidde konna ne kaggwaawo
- zonna azozezza bulungi ne zitukula
- mugambye abireete byonna talekaayo wadde n'ekimu